



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno MCLXXXI. ad annum MCCCXIV.

Parisiis, 1644

Epistola III. Gregorii Papae IX. Ad Romanvm Francorvm Legatvm. De
persecutionibus ecclesiae per Fridericum II. imperatorem.

urn:nbn:de:hbz:466:1-15974

feste deficiens, in descriptæ excommunicationis laqueum vtroneus se ingessit; excommunicatum, quamquam inviti, publice nuntiamus, & mandamus ab omnibus arctius euitari; contra ipsum, si contumacia eius exegerit, grauius processuri. Confidimus tamen adhuc in pii Patris clementia qui neminem vult perire, quod oculi mentis caligantes, hoc ecclesiastico delibuti collyrio, si non fuerit animo rebellis, lumine poterunt illustrari; ut suam aspiciat nuditatem, & ignominiam suam, quam incurrit, auertat: sique recurrat ad medicum, & ad matrem ecclesiam reuertatur, per humilitatem debitam, & satisfactionem congruam, salutis remedia recepturus. Non enim eius salutem in Domino affectamus interire, quem olim sincere dileximus in minori etiam officio constituti. Data Laterani, pontificatus nostri anno secundo.

EPISTOLA III.
GREGORII PAPÆ IX.
AD ROMANVM FRANCORVM
LEGATVM.

De persecutionibus ecclesiæ per Fridericum II.
imperatorem.

Gregorius episcopus Romano Francorum legato salutem, &c.

ATTENDE quæsumus, & vide, si est dolor sicut dolor noster, quia filium quem nutriuit ecclesia Romana & exaltauit, sperans eum propugnatorem habere contra perfidas nationes, ecce nunc persecutorem sentit immannem, & hostem validum experitur. Et ne taceamus atrocies iniurias & iacturas enormes, quibus Fridericus dictus imperator ecclesiam & personas ecclesiasticas damnabiliter hactenus flagellauit, patrimonium apostolicæ sedis per Saracenos & alios impugnat: &, quod detestabilius est, cum Soldano & aliis Saracenis nefandis contrahens pactiones; illis fauorem, Christianis odium exhibit manfestum, ad exterminandas domos hospitalis & fratrum militiæ templi; per quas reliquiae terræ sanctæ hactenus sunt obseruatæ, impie annullando. De mandato enim illius inter Saracenos & Christianos, fide fracta treugarum, cum

Saracenis domorum prædictarum hostiliter inquietans ; occisis & captis quamplurimis cum prædas plures abduxissent, templarii ex hoc moti insurrexerunt contra ipsos; & cum prædas abstulissent ad valorem sex millium marcarum, Thomas comes Atterarum, imperatoris baiulus, illis redeuntibus, furibundus & currens, eamdem prædam, ipsis non audentibus, iuxta ordinis sui instituta, manum armatam contra Christianos erigere, abstulit violenter, & reddidit Saracenis : præter quædam, quæ idem Thomas sibi dicitur retentasse. Quod si Saraceni prædam auferant Christianis, dictus Thomas non solum ad recuperationem eius intendit, sed nec patitur ut Christiani prædam auferant aliquando Saracenis. Quare factum est, vt illi ex hoc violentiores effecti , nostros audacter impugnent : & nostri prodigionis formidantes minus audeant refragari. Et sic effusio sanguinis Christiani nonnunquam in imperatoris damnabile lucrum cedit. Adhuc autem Thomas prædictus, vel potius imperator per ipsum, prædictas domos immanius persequens; ipsas domibus & possessionibus quas habebant vi arctiori per violentiam spoiliavit ; eosque priuilegiis apostolicæ sedis priuare contendens , & imperiali subiicere iurisdictioni nititur, in manifestam subuersione ecclesiastica libertatis. Centum Sclauos etiam , quos domus hospitalis & templi habebant in Sicilia & Apulia, colligi faciens , eos reddidit Saracenis : nulla exinde recompensatione facta domibus supradictis. Et sic seruis Christi seruos præfert Machometi ; vt ex præmissis ostenditur euidenter. Adhuc pro certo scias, quod licet dictus imperator cum paucis militibus mare dicitur intrasse ; contra patrimonium ecclesiarum magnum exercitum Christianorum & Saracenorum multitudinem destinauit ; vt de obseruatione fidei & malignitate constet , omnibusque manifestum exhibeat argumentum. Vnde , inquam , firmam spem fiduciamque habemus in illo , qui ecclesiam suam supra fidei petram stabiliens, quantumcumque irruant venti, & inundent flumina , ipsam tamen non permittet eueri, vel naufragari. Dum itaque videmus eum in subuersione fidei Christianæ ita nequier machinantem , ita impie sequientem, possemus extreum periculum formidare. Sed quantumcumque

N n ij

impii prolongetur iniquitas , nunquam tamen in sua poterit prauitate præualere , sed in ea potius euanescat . Cum igitur ex officio , licet indignis nobis iniuncto , prouidere cogimus ne minister Machometi in Christi ministros diutius valeat desæuire , sed sauiens potius confundatur , & gloria Christiani nominis exaltetur ; dilectioni tua per apostolica scripta præcipiendo mandamus , quatenus per terram legationis tuæ hæc solenniter prædictes Christi fidelibus , vt pro statu fidei , & religionis obseruantia , stent ex animo tamquam prosequentes singuli proprium interesse , ac salutaribus monitis effectibus eos & exhortationibus inducere non postponas .

Datum Laterani Nonis Augusti pontificatus nostri anno secundo .

EPISTOLA IV.

GREGORII PAPÆ IX.

AD ELIENSEM ET LONDINENSEM EPISCOPOS.

De electione abbatis sancti Albani .

*Gregorius episcopus seruus seruorum Dei venerabilibus fratribus
Eliensi & Londinensi episcopis salutem & apostolicam
benedictionem.*

MONASTERIO sancti Albani Lincolniensis dicēsis , quod ad Romanam ecclesiam nullo medio pertinet , abbatis solatio destituto , dilecti filii prior & conuentus ipsius monasterii , sicut accepimus , requisito prius , sicut moris est , assensu regio & obtento , vocatis omnibus qui debuerunt , voluerunt , & potuerunt commode interesse , de abbatis futuri substitutione tractantes , post diuersos tractatus , quibusdam de collegio eligendi ei abbatem , potestatem plenariam vnamiter contulerunt . Iidem vero electores , Deum habentes præ oculis , collatione super hoc & deliberatione habita diligenter , & Spiritus sancti gratia inuocata , dilectum filium fratrem Ioannem de Hertford , eiusdem monasterii monachum , virum , vt afferunt , prouidum & discretum , ac in spiritualibus & temporalibus circumspectum , & cum eis a puero laudabiliter conuersatum , in abba-